

Hong Kong School Drama Festival 2009/10
Synopsis & Script of School Play with "Adjudicators' Award"
二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : SKH CHAN YOUNG SECONDARY SCHOOL

學校名稱 : 聖公會陳融中學

Name of Play 劇名 : 援交「袋」價

Script writer 劇作者 : 林穎姿

For adaptation works, please specify: 如屬改編劇本請填寫：

Name of Original Work 原著作品名稱 : _____

Original Author 原作者姓名 : _____

Name of Adaptor 改編者姓名 : _____

Synopsis 故事大綱:

自王嘉梅肢解案發生後，香港援交風氣一直備受關注，不少青年男女都認為援交是一種可接受的賺快錢方法，為的是名牌手袋和虛榮感。加加亦有同感，自從在瀏覽網頁時發現援交能滿足她對名牌物品的慾望後，便開始沉淪，更天真地認為援交與賣淫絕對不同，以為一切也在掌握之中，為了名牌手袋，放棄了疼她的男友、老師和她無價的身體.....

Script 劇本:

序

為了滿足一些價值不菲的虛榮感，很多天真的少男少女投身援交行列，認為援交是一個快捷安全的賺錢途徑。他們自以為一切盡在他們的掌握之中，但事實上又是這回事嗎？他們不知道不明白：援助交際與性愛交易無兩樣；援助交際只是賣淫的代名詞；援助交際的後果和代價比他們所想像的，嚴重百倍、千倍.....

第一幕

(場景：課室)(角色：老師／加加／阿文／甲乙丙)

(鐘聲響，同學們坐下)

老師：上次小測既卷，我改好喇！（同學表現踴躍）（咳咳）成績十分唔理想！我地班有過半數同學唔合格。

同學們：下.....

老師：不過，全級最高分果兩位同學都係我地班既。（取出試卷）陳子文，九十分！張詠加，八十七分！

(同學們拍掌，老師隨即派罷其他卷)

老師：你地有咩唔識，除左可以問我之外，亦可以問下呢兩位同學。大家都要繼續努力阿！

(鐘聲響)

老師：(邊執野邊講)起立，各位同學再見！

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

同學們：王老師再見！

（老師離開課室，課室剩下加加，阿文及同學甲乙丙）

加加：送我返屋企阿～

阿文：唔得阿，我今日要去老麥做 part time，同唔到你返屋企啫，聽日先啦。（溫柔）

加加：下，你今日唔系響 KFC 返夜咩？（態度差）

阿文：你記錯喇！（望錶）我就黎遲到喇，會扣錢嫁！乖啦（左望右望）錫晒你！拜拜！

（加加不滿地舉手示意再見）

（甲乙丙走到加加身旁）

甲：哇，加加，你個姑池袋新出嫁！好貴嫁...

加加：嗯，都唔係姐～

丙：又係阿文送俾你嫁？

加加：係阿！（得戚）

乙：哇，阿文真係錫你阿，個袋咁貴都肯買黎送俾你！

加加：麻麻啦！唔講住喇，我走先拜拜～

甲乙丙：拜拜！

（加加離開）

（甲乙丙邊行邊講）

乙：阿文真係慘，做咁多份工賺埋賺埋都買晒名牌野俾加加～

甲：聽講加加三日唔埋兩日就睇中新野，要阿文送嫁～

丙：係我就一早頂唔順走佬喇！

（甲乙丙大笑，離台）

第二幕

（場景：加加的家）（角色：加加）

（加加看潮流雜誌）

加加：哇！好靚阿！

（打電話俾阿文，但無人接聽）

加加：又吾聽電話！唉，個袋好靚阿，唔知有人放出黎未呢？

（上網）

加加：援交討論區？（好奇）

* 「誠邀十六至二十歲女仔做我暫時女友，陪我行街，絕無色情成份，純粹拖下手睇下戲。」

「我十七歲，想搵零用錢買下袋，四百蚊一個鐘，包拖手食飯睇戲等」*

哇，同個男仔出街，比佢拖手陪佢睇戲食飯就搵到錢？有無咁著數阿？如果真係咁簡單，好快咪儲夠錢買個袋！（思量）嗯！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第三幕

(場景：課室／街道／加加的家) (角色：阿文／加加／甲乙丙／肥佬)

(放學鐘聲響，各人都施施然執拾，唯加加十分衝忙)

(甲乙丙見加加又揸新袋，指指點點)

阿文：加加我今日得閒阿，一齊去溫書阿，下星期要考試喇！

加加：我唔得閒阿

阿文：又去邊阿？

加加：(吞吐) um..um..總之就唔得閒啦！係咁先啦，拜拜！

(阿文欲講再見，但來不及)

(甲、乙、丙行到阿文身邊)

甲：(問阿文) 張詠加呢派做乜事一放學就咁趕時間？

阿文：er...我都想知阿，唉，難得我唔洗返工佢又唔得閒。

乙：你地唔係成日一齊去溫書既咩？(攙住甲的手扮拍拖，二人奸笑)

阿文：(尷尬) 之前就係既，但係近排，佢差唔多日日都話唔得閒，成日都話趕時間，又話遲到會蝕左，試過一打鐘，講都唔講就走左去，仲趕過我。但係我問佢係唔係做兼職，佢又話唔係.....

甲：陰公豬！佢逃避你阿！

丙：一定係啦！成日叫佢去溫書，比我都走先啦哈哈！不過話時話，頭先上堂果陣，王 sir 話默書有一個人唔合格，之後就望住加加喇！我肯定佢又唔合格啦！仲有阿，佢今日又揸新袋喇！實係阿文你送嫁啦！

阿文：下??? (阿文一頭霧水！)

(燈暗，閃幕。 台前燈亮)

(加加攙住肥佬行)

肥佬：(滿足) 頭先套戲好好睇阿，係唔係阿？ (望實加加)

加加：嗯，麻麻地啦.....

肥佬：咁阿，er...er...不如我地食埋飯先

加加：下，但係講好左三個鐘個啲，(望錶) 而家都兩個半鐘啦。食埋飯起馬四個鐘嘞，加多二百五啦~我聽日仲要返學添，而家又咁夜，um...你肯加多三百五就食啦！

肥佬：無問題無問題！

加加：嗯(無奈)，咁行啦...

(二人離開前台)

(*加加：夠鐘喇，埋單啦！)

肥佬：哦，好阿好阿，我送埋你返屋企阿

加加：咁好？事但啦，反正無人陪我走*)

(加加屋門前)

(開幕)

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

加加：我到喇喎，計數啦。頭先收左七百五，之後加鐘，三百五。

（肥佬掏出銀包數錢準備遞俾加加）

肥佬：咪住先～我地係唔係有 D 野未做阿？（手嘗試捉住加加膊頭）

加加：行開啦死肥佬！（加加撥開肥佬時件髒跌左落地）同你拖手我都覺得核突阿！以為自己見過我幾次，送個貴袋俾我就大晒咩！慳佬！咁想搞返大陸搞啦！

（加加即轉身入屋）

（阿文手提著名牌紙袋，從後見到整個交易過程）

肥佬：（拍門）我比多五百蚊你啦！五百唔夠一千啦！加加！唔洗驚喎，我會好溫柔咁對你嫁喇！

（阿文憤怒地把袋掉到地上，肥佬離開）

（加加發現件髒跌左，望住防盜眼，見到肥佬離開，開門執返件髒。）

加加：死咸濕佬！好彩我醒目~~~~

（見到阿文）

阿文：點解阿？

加加：（回頭）你...點解響度既...？

阿文：我問你點解要同第二個男仔拖手阿？！！

加加：拖下手之嘛，你洗唔洗咁激動阿～

阿文：我激動？你而家同第二個男人一齊阿！（突然冷靜下來）我有咩做得唔好阿？

加加：（先欲言又止，後理所當然）唔係阿！我..我同果個死肥佬無野嫁！陪佢行下街睇下戲，搵錢之嘛～

阿文：你...你去援交...？！

加加：我睇中左好多新袋新銀包阿嘛，你做埋做埋 D 兼職先得果雞碎咁多，等得你送俾我，幾新款都變舊啦！同呢 D 傻佬行下街，又有袋收，又有戲睇！

阿文：（自責）一係咁啦，我再做多幾份啦！

加加：唉也，做咩姐！又唔係 D 咩唔見得光既野！再講，我想要既野，你都俾唔到我！（爇）

阿文：（拾起紙袋）你上次話想要果個袋阿，我儲夠錢買俾你喇！你唔好去啦！

加加：（接）我好劫阿，係咁先啦，成點鐘喇你都返屋企啦，早抖！（即入屋門門）

阿文：加加！加加阿！

（加加在屋內呆望手袋，阿文跪在屋外）

第四幕

（場景：課室）

（角色：老師／加加／阿文）

（王老師講書）

老師：呢度明唔明？

（同學們點頭，唯獨是加加在睡覺，老師見到）

老師：張詠加！（加加聽不見）

老師：張詠加！！

（加加慢慢坐起身，望住老師）

老師：你同我出一出黎！

Hong Kong School Drama Festival 2009/10
Synopsis & Script of School Play with "Adjudicators' Award"

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(加加與老師企左出黎 (課室外/前台))

(加加未訓醒)

老師：你呢個月既課堂表現同埋考試成績差左好多，做咩事？

加加：無野阿～

老師：係唔係有咩苦衷？唔怕同我講。

加加：無野想同你講阿～

老師：嗯...其實阿文已經同左我講你既事。 加加，老師唔希望你為左少少既金錢利益，而去一 D 出賣身體既事，你咁樣根本同放棄自己無分別！

加加：而家咩事阿 sir？做下兼職，搵下錢都講到咁大件事，又出賣身體，又放棄自己！ 我呢派係多野做左無時間溫書姐，又咁啱失眠，上堂先會唔覺意訓著左咋喎，你就咁樣恐嚇我，你無野阿？

老師：總之要講既我講過，你真唔明又好，假唔明都好，老師真係好希望你識得珍惜身體，珍惜身邊既一切。 老師對你既關心，朋友對你既愛並唔係必然嫁。

(打鐘，加加即刻返埋位執野)

(加加執完野唸住走)

阿文：加加！停啦！

(加加停下來，無回頭)

阿文：唔好再錯落去好唔好阿？當我求你啦！

加加：唔知你想講咩。

阿文：你唔夠錢咪問我拎囉！做咩事要搞到自己咁樣姐～我真系唔想你再錯落去阿！

加加：你仲好講！你做乜同王 sir 講我 d 野阿？

(阿文啞口無言)

加加：我係你女朋友黎嫁！你有無尊重過我阿？亂咁同人講我 D 野！

阿文：(開始火起) 咁你又有無尊重過我阿？之前問你咁多次做咩事又唔講！背住我去做埋呢 D 咁醜既事！我係你男朋友黎嫁！

加加：每一次我都有同佢地講明唔可以過界嫁！更何況我咁大個人有手有腳，識保護自己嫁啦！我而家援交咋，又唔係去做雞！

阿文：(激動) 你而家同做雞有咩分別阿？我做咁多份工都係為左滿足你既虛榮感，你仲嫌我俾唔夠你！你好彩，遇著果 D 有良心既賤男人咪無事囉，但你繼續落去既話，咪盞遲早出事！

加加：你發咩爛渣阿！咁你真係搵得少阿嘛！我而家有咩錯先，自己搵錢滿足自己都算錯咩？我廢事你咁辛苦咋，你明唔明嫁？

阿文：又係我唔明？而家乜都係我唔好嫁啦！好聲好氣對你係我錯！做幾份兼職買名牌俾你係我錯！叫你溫書係我錯！而家連你自己唔錫身都係我錯啦！你肯做份正正當當既工，自己搵錢俾自己梗係好嫁！但你而家去做雞阿！

加加：你好喇喎！雞雞聲咁難聽！你未試過對我咁惡嫁！

(阿文一怒之下掌摑加加)

阿文：就係因為我對你太好先會搞到你越黎越過份！為左買名牌，將 D 價值觀完全扭曲晒！我真係越黎越唔識同你相處，唔明你諗咩阿！（停幾秒）分手啦！

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

加加：（驚訝，發晦氣）分囉！（跑走，離台）

第五幕

（場景：街道／阿風的家）

（角色：阿風／加加）

（加加站在街上，阿風行到加加旁）

阿風：加加？

加加：你係阿風？（此時極速用眼掃過阿風全身，驚覺其樣子端正，看似非富則貴，雙眼發光）

阿風：係阿～ 你今年幾多歲阿？

加加：十六歲（微笑）

阿風：哦...你地行規係唔係要收左錢先？

加加：係阿，但如果你唔想，今晚先俾都得既，我諗你唔會呃我呱。

阿風：咁我今晚先俾啦。

加加：（主動）想去邊阿？

阿風：不如去睇新上果套恐怖片

加加：好阿！

（恐怖片聲音）

（睇完戲出黎）

加加：呢套戲真系好恐怖，果個變態佬追住果個女仔果度好驚險！嚇死我！

阿風：我知阿，你頭先捉到我隻手咁實～

加加：阿...係咩？ e r...九點喇喎，食野？

阿風：都好阿，不如去四季食自助餐

加加：好阿～

（回後台）

***（食飯時）**

阿風：我今日好開心阿，好耐無試過有呢種拍拖既感覺

加加：我都好開心阿，你同我之前果D又老又核突既客好唔同，又後生又型！

阿風：哈哈，邊係呢～ 不如我而家俾左錢你先。（幾秒）哎也！唔好意思阿，我帶唔夠錢出黎，得返一百蚊響身咋，你可唔可以幫我俾住呢餐先，我一陣返屋企拾返俾你阿。

加加：下，咁阿...

阿風：我住好近嫁咋！

加加：哦，好啦。*

第六幕

（角色：甲乙丙／阿文／加加）

Hong Kong School Drama Festival 2009/10
Synopsis & Script of School Play with “Adjudicators’ Award”

二零零九至二零一零年度香港學校戲劇節
「評判推介演出獎」得獎學校劇目資料



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

甲：原來加加果日揸住果個袋唔係阿文送嫁，係佢同D男人搞完，人地送俾佢嫁！

乙：下，真嫁？呢D野唔好亂講喎～

甲：梗係真嫁啦！佢同阿文仲散左添阿～

丙：咁講法，即係佢果D袋全部都係「肉金」嫁啦！

乙：咦！好核突阿！！

甲：唉！好做唔做，走去援交，比咁多男人摸過，真係同做雞無分別！

（同時，乙和丙見到阿文入課室，示意「SH！」，甲望一望後面）

甲：SH 咩姐！（行去阿文身邊）阿文，做得好阿！呢D咁貪慕虛榮既 Cheap 精，一早就應該同佢分手啦！唔洗傷心喎～

阿文：嗯...

甲：大吉利是講句，比人姦左都係自己擺黎衰，無人會可憐佢囉！

乙、丙：係囉係囉！

丙：唉！真係映衰晒我地D女仔阿！為左D L V、G u c c i 去做呢D野，值得咩？

乙：你話呢！計我話，呢D野無論如何都唔可以做！阿文，你話係唔係喇

阿文：嗯，算啦，唔錯都錯左喇..

第七幕

（阿風家）

（阿風開門）

阿風：等等

（加加不以爲然，坐住等。阿風遞錢俾加加）

加加：（數一數）一千甘多？

阿風：唔多啦

加加：哦，多謝晒喎，咁我走先喇（不以爲然，沾沾自喜）

（阿風除門，鎖實家門，加加見到覺得奇怪）

阿風：去邊阿？我間房響果邊喎

加加：做咩阿？

阿風：做咩？你預左嫁啦～一場上到黎，唔係諗住咁快走阿？

加加：我有野做阿，真係要走先喇...（驚恐）

阿風：你扮咩矜持阿！做得呢行，你唔係真係諗住同我拖下手仔，俾我攞下條腰就有成千蚊落袋阿？唔好咁天真啦！（加加掙野）掙我？死o靚妹！（掌摑）你都係想要錢姐，乖乖地咪得囉！（一直逼住加加退後）

加加：救..救命阿！

（燈暗，快！） （門幕）

***新聞聲音**

。完。